

Minister di Labor:

Lo habri un Citgo desk pa apoya nos trahadornan local

ORANJESTAD (AAN): “Den cuadro di e ultimo informe cu Minister di Energia Mike de Meza a trece padilanti riba e desaroyonan positivo rond di e re-apertura di e refineria, nos lo ta introduciendo un servicio especial cu lo ta un “Citgo

Desk”.

Un oficina di apoya pa trahadornan local cu tabata traha den e refineria haya apoya pa por drenta e refineria back of sea traha indirectamente cu e refineria”, minister Paul Croes a anuncia recientemente. Den varios ocasion Min-



ister di Asuntonan Social y Labor drs. Paul Croes a forma parti di e delegacion pa Houston na momento di e negociacionan.

Un aspecto importante di un re-apertura ta sigur e impacto laboral cu esaki tin. Na 2014 nos a sera e aña cu un cifra di 7.5% di desempleo. Cu e re-apertu-

ra esaki lo tin un impacto positivo pa trabaonan riba nos pais. E meta tras di e “Citgo Desk “ ta pa bira e enlace entre e trahador local y e Human Recourses di CITGO. “Nos tin algun palabracionan concreto cu ehecutivonan di CITGO. Nos hendenan mester por haya un oportunidad atrobe

pa labora na nan isla. Nos tin expertonan cu kier bolbe nan isla, y sigur nos kier apoya nan den esaki.

Tambe lo tin un Comision di Consejo pa asina conseha Gobierno riba e proceso di peticionnan di companianan di afo pa trahadornan specialisa di exterior” Minister di labor Paul Croes a informa. Despues di bishita di Minister Mike de Meza na unda el a duna un “briefing” positivo riba e proceso di e refineria, Gobierno di Aruba ta yega na algun decisionnan importante pa asina crea un estructura laboral pa yuda Arubianonan cu kier traha den e refineria pa haci esaki. E Citgo Desk aki lo no kita e oportunidad for di e trahadornan mes pa acerca Citgo directamente pa aplica pa trabao.

Marduga den area di Caya Ruby

Homber canando cu cusinchi blanco den man

ORANJESTAD (AAN); Mey anochi patruya atento cu ta cai bao di distrito noord durante nan ta patruyando pasando den Caya Francisco D. Figaroa bayendo direccion zuid, na altura di e cruzada-T di Westpunt, a mira algo.

Polis a wak un homber ta cana direccion pariba riba e caminda cu ta pasa den Caya Ruby.

E homber? Canando cu cusinchi color blanco den man! Debi cu ultimo tempo tin hopi kiebri y ladronia den e area di Caya Ruby, Caya Esmeralda, Caya Saffir, etc., patruya a dicidi pa controla e homber.

Agentenan a bira nan auto pa bay cerca e homber. Pero ora cu el a wak agentenan, el a ranca careda bay direccion di Apartamento zuid di Westpunt. Despues e no a core mas, y a djis cana normal pa disimula.

Polis a yega cerca dje, baha abao, y a bay gare. El a worde puntra si e ta biba na e cas en cuestion el a contesta cu si, el a declara di no tin su paspoort tampoco cedula di identifica hunto cune.

Tambe percancia e pone declara di no ta biba na e direccion concerni, pero na un cas situa na Caya Ruby ey nan e ta biba. Polis a detene relaciona cu LTU

y control na inmigracion (Centro Dakota) nan a declara cu R.G. a yega Aruba riba 29 di juli 2015 pa ocho dia, pero nunca mas a bandona e isla. Polis no a revela na prensa, ki su nacionalidad ta.

